



共四十二  
保嬰女撮要

二

中武  
584  
10





門下  
584  
卷 10

保嬰撮要卷之三

薛氏醫按

吳郡薛鎧集

薛 已驗

江 都

吳中 疇校

急驚

錢仲陽云急驚者因聞大聲或驚而發搐搐止如故此熱生於心身熱面赤引飲口中氣熱二便黃赤甚則發搐蓋熱盛生風陽盛而陰虛也宜以利驚丸除其痰熱不可用巴豆之藥蓋急驚者陽症也俱府受病而屬實乃少陽相火旺經曰熱則生風風生痰痰熱客於心膈間則風火相搏故抽搐發動經所謂木太過曰發生其動掉眩顛疾是也當用利驚丸導赤散瀉青丸等藥搐止與安神鎮驚丸婁全善亦曰急驚屬木火土實木實則搐而有力及目上視動劓頻睫土實則身熱面赤而不吐瀉





偃睡合睛治法宜涼宜瀉而用涼驚利驚等丸亦有因驚而發者牙關緊急壯熱瀉潮竄視反張搐搦顫動唇口眉眼眈引口中熱氣頰赤唇紅二便秘結脉浮洪數緊此內有實熱外挾風邪當截風定搐若痰熱尚作仍微下之痰熱既泄急宜調養胃氣搐定而痰熱少退卽宜調補脾氣東垣云若因外物驚者宜黃連安神丸因氣動所驚者宜安神鎮驚丸之類大忌防風丸如因驚而瀉青色宜朱砂丸大忌涼驚丸蓋急驚者風木旺也風木屬肝盛則必傳剋於脾欲治其肝當先實脾後瀉風木若用益黃散則誤矣經曰邪氣盛則實正氣奪則虛前所云實者乃病氣有餘而形氣不足也當先瀉而後補虛甚急當補脾爲先少以攻邪之藥佐之其所云虛者乃病氣形氣俱不足也當純補真氣爲要若肝經風火相搏抽搐目睵肋急痰盛者當用

四物湯以生肝血加鈞藤鈎山梔以清肝火更用四君子以補脾六味丸以滋腎若肺金尅木而兼呵欠者用瀉白散以泄肺邪地黃丸以益肝血若邪入肝則用柴胡清肝散加龍膽草亦可邪入心用梔子清肝散加炒黃連亦通邪入腎用六味地黃丸邪入肺用地骨皮散邪入脾用六君子加柴胡山梔大抵此症屬肝膽經血虛風火相搏而善行數變者爲多若不養肝血不補脾氣純用祛風化痰之藥則脾益虛血益損邪氣延綿必傳慢驚矣

治驗

一小兒九歲因驚發熱抽搐頓悶咬牙作渴飲冷便秘面色青赤而印堂左腮尤赤此心脾二經風熱相搏乃形病俱實之症也先用瀉青丸料炒黃連一劑大便隨利熱搐頓減繼



用抑青丸一服諸症悉退但面色痿黃肢體倦怠飲食少思此病氣去而脾氣未復也用補中益氣湯及地黃丸而愈

一小兒發熱抽搐口噤痰湧此膽經實火為驚風也先用瀉青丸一服六味丸二服諸症即退又用小柴胡湯加芎歸山

梔鈞藤鈞次以補中益氣湯而痊

一小兒忽然發熱目動咬牙驚搐痰盛或與祛風化痰藥益甚面色青黃乃肝木剋脾脾之液為涎虛則涎不能攝上湧

而似痰也法當生肝補脾則風自息痰自愈矣遂用六味丸及六君子湯而愈

一女子十二歲善怒睡中抽搐遍身作痒飲食少思此肝經風熱脾土受剋也用參朮柴苓湯以清肝健脾而愈

一小兒三歲患急驚面赤發熱作渴飲冷用瀉青丸一服熱

衰大半因見得効翌早又自製一服反加吐瀉發搐面色青

白手足指冷此熱既去而妄自傷脾也用六君子薑桂升麻

柴胡一劑得安是以前哲謂小兒易為虛實攻伐之藥衰其

大半乃止不可過之羅謙甫約方約囊之論恪矣

一小兒三歲因驚抽搐發熱痰盛久服抱龍丸等藥面色或赤或青此心肝二經血虛風熱生痰也用六味丸滋腎生血

用六君柴胡升麻調補脾胃而安

一小兒潮熱發熱左腮青赤此心肝二經血虛之症也用秘旨安神丸及四物湯加防風酸棗仁治之而愈

一小兒潮熱發熱涎上湧手足指冷申酉時左腮青色隱白用補中益氣湯調補脾肺六味丸滋養肝腎而痊

嘉興王一山女七歲因跌傷腿膝兩膝腫潰面色青潔左關



無脈余謂驚則氣散而風熱鬱滯於肝故其脈隱伏用四君升麻柴胡鈞藤鈞一劑脈至隨愈

一小兒印堂青黑至夜啼搐余謂脾土虛寒也用鈞藤飲而安後因驚發搐夜啼仍用前藥一劑諸症復愈又用異功散

一小兒七歲患急驚將愈而發熱驚悸悞服祛風化痰之劑更加驚搐吐痰喘嗽腹脹少食惡寒再用抱龍丸大便似痢

寒熱往來殊類風症先君治之以為脾氣虧損諸經無所滋養而然用四君子湯為主少加升麻柴胡以升補陽氣愈而

一小兒驚風後痰嗽不止睡卧不寧諸藥無效余用牛黃清心丸少許頓止後復傷風邪痰盛喘急飲食不下仍用牛黃

利驚丸 治急驚痰盛發熱潮搐

青黛 輕粉各二錢 牽牛末兩

右為末麩糊丸寒豆大每服十九薄荷湯化下

安神鎮驚丸驚退後調理安心神養氣血和平預防之劑也

天竺黃 研人參 茯神 南星 薑製各五錢 酸棗仁 炒

麥門冬 當歸 酒洗 生地黄 酒洗 赤芍藥 炒各三錢 薄荷

木通 黃連 薑汁 山梔 炒 辰砂 另研 牛黃 另研

龍骨 煨各二錢 青黛 一錢 另研

右為末蜜丸菜豆大每服二五丸量兒大小加減淡薑湯送下

四物湯 治血虛發熱煩躁或晡熱作渴頭目不清若因脾虛不能生血者用四君子湯

當歸 熟地黄 各二錢 芍藥 川芎 各一錢 用水煎服

參耒柴苓湯

參耒柴苓湯

用水煎服



人參

白朮

茯苓

陳皮

柴胡

升麻

山梔

鈞藤

甘草

每服一二錢

黃連安神丸 治心經血虛頭暈神驚悸

黃連

甘草

生地黃

當歸

硃砂

右為末飯糊丸梧桐子大每服十五丸空心白滾湯下如二三服不應當服歸脾湯補之

牛黃清心丸 治諸風痰癡語言蹇澁健忘恍惚頭目眩暈胸中煩鬱痰塞喘嗽精神昏憤等症或小兒風熱上壅抽搐發熱或急驚痰盛發搐目反口噤或大人傷寒汗下之後煩躁發熱不解並宜服之

牛黃 一錢二分 麝香 龍腦 羚羊角 各一分

當歸

防風

黃芩

白朮

麥門冬

白芍藥

柴胡

桔梗

白茯苓

杏仁

芩薊

肉桂

大豆黃卷

阿膠

蒲黃

人參

神麴

雄黃

甘草

白欬

犀角

乾山藥

乾薑

金箔

大棗

右為末煉蜜丸每兩作十九丸金箔為衣每服一九溫水化下

朱砂丸

方見發搐

瀉青丸

方見肝臟

導赤丸

方見心臟

抑青丸

方見肝臟

薛氏醫安

保嬰最要卷三



補中益氣湯 方見虛羸

地黃丸 方見腎臟

小柴胡湯 方見發瘧

六君子湯 方見天鈞

秘旨安神丸 方見心臟

異功散 方見天鈞

慢驚

錢仲陽云慢驚因病後或吐瀉或藥餌傷損脾胃肢體逆冷口鼻氣微手足瘳癡昏睡露睛此脾虛生風無陽之症也溫白丸主之蓋慢驚者陰症也俱臟受病而屬虛因吐瀉脾肺俱虛肝木所乘而致瘳癡微搐婁全善所謂木虛則搐而無力經所謂木不及曰委和其病搖頭是也 謂手足搐動 火虛則身寒口中

氣冷土虛則吐瀉睡而露睛治宜溫補脾胃用六君子湯五味異功散之類徐用誠云乙木屬陰乃肝臟病故慢而難治况有夾熱夾食夾痰與外感症相似者當宗錢氏方主之保嬰集云急驚屢發而屢用直瀉之藥則脾陰愈消而變為慢驚多矣大率吐瀉痰鳴氣喘眼開神緩昏睡露睛驚跳搐搦乍發乍靜或身熱身冷面淡青白或眉唇青赤其脉遲沈數緩是也當溫補脾氣為主而佐以安心制肝東垣亦云慢驚風由脾胃虛而生脾虛者因火邪乘其土位火旺能實其木木旺故來剋土當於心經中以甘溫補土之源更於脾土中瀉火以甘寒補金以酸涼致脾土中金旺火衰風木自虛矣稟賦不足或久病脾虛及常服剋伐之藥者多致此症若因土虛不能生金金不能平木木來侮土而致前症者以五味異功散加當歸酸棗仁佐以鈞



藤飲子補土平木若脾土虛寒者用六君子加炮薑木香不應急加附子以回陽氣蓋陰血生於脾土宜四君子當歸酸棗仁凡元氣虧損而至昏憤者急灸百會穴若待下痰不愈而後灸之則元氣脫散而不救矣此乃臟腑傳變已極總歸虛處惟脾受之無風可逐無驚可療因脾虛不能攝涎故津液妄泛而似痰者當依前法自效若不審其因泛用祛風化痰之劑則脾氣益傷陰血益損病邪益盛而危矣

治驗

舉人余時正子傷食發丹服發表之劑手足抽搐服抱龍丸目瞶痰盛余謂脾胃虧損而變慢驚也無風可祛無痰可逐只宜溫補胃氣遂用六君加附子一劑而愈

一小兒抽搐痰涎自流或用驚風之藥益甚視其面色黃白

余用六君補中益氣二湯補脾肺而愈

一小兒傷風咳嗽痰湧用六君桔梗桑皮杏仁治之而愈後飲食停滯作瀉腹脹用六君加山柎厚朴而安又復停食作嘔或用藥下之更加咳嗽余謂脾肺俱虛宜用調補彼以爲緩自服發表剋滯前症益甚頭項面動宜用天南星散倍加鈎藤鈎及異功散而愈

一小兒遇驚卽痰盛咬牙發搐搖頭作瀉恪服腦麝朱砂等藥以致慢驚而卒

木附湯 治風濕相搏身體煩疼不能轉側不嘔不渴大便堅硬小便自利及風症頭目眩重等症

白朮 四兩

甘草 兩

炮二

附子

炮去皮一兩

右爲末入附子每服三錢薑五片棗一枚水煎服



愚按附子溫中回陽為慢脾之聖藥也如元氣未脫用之無有不應須用每隻重一兩三四錢端正不尖底平週圍如蓮花瓣者佳否則慢用川烏也製法切去皮尖以童便浸之秋冬七日春夏五日每日一換浸畢切作四塊以濕草紙包數層微火煨半日取出切開無白星為度如急用炮至烈紋即投童便中良久浸透切片如色白再微炙之氣脫甚用者急生用亦效

太乙保生丹

治慢驚尚有陽症者

全蝎

青者十箇

白附子

生用

真殭蠶

牛膽南星

蟬殼

防風

琥珀

朱砂

各錢

聚寶丹

治慢驚

人參

茯苓

琥珀

天麻

真殭蠶

全蝎

防風

牛膽南星

白附子

生用

烏蛇

肉酒洗

朱砂

錢半

麝香

少許

用為末煉蜜丸桐子大每服

二九皆白蒲湯下

金箔鎮心丸

治風壅痰熱心神不寧驚悸煩渴唇焦頰赤夜卧不安謔語狂妄

朱砂

兩

白茯苓

人參

甘草

各半兩

山藥

一兩

片腦

一錢

牙硝

半錢

麝香

五分

金箔

十二貼為衣

草紫河車

二錢半黑豆煎煮

用為末煉蜜丸每用五錢作五十丸以金箔為衣每服一丸薄荷湯化下合化亦得

溫白丸

治驅風豁痰定驚

人參

防風

白附子

生用

真殭蠶

全蝎

各錢

南星

湯洗七次焙

天麻

各二錢

右為末水糊丸桐子大每服三五丸薑湯下



烏蝎四君子湯即四君子加川烏全蝎各少許為末每服半錢  
薑棗水煎服次服去川烏

天南星散 治慢驚驅風豁痰

南星 重八九錢者一箇掘地坑深尺許先用炭五斤燒通  
紅以好米醋一碗灑坑中自投南星以火炭密蓋又

用盤覆時  
許取出

右為末人琥珀全蝎各一錢每服二字煎生薑防風湯下

烏沉湯 治慢驚驅風助胃

天麻 二錢

人參

真川烏 用生

全蝎 焙

南星 片

木香

沉香 各一錢

甘草 煨半錢

右為末每服三五分薑水煎服

沉香散 治助胃氣止吐瀉

茯苓 二錢

沉香

丁香

木香

藿香 二錢

厚朴 製

甘草 炙各一錢

右為末每服一字米飲湯調下

藕青丸

藕合香九 分一

青州白九子 分二

右和勻每服五分薑湯

銀白散 治胃虛吐瀉

糯米 炒二兩五錢

匾豆 蒸二兩

藿香 二錢

白朮 炒一兩

丁香 二錢

甘草 炙三錢

右為末紫藕米飲調下直指方加炮白附子全蝎木 香石蓮薑水煎

釣藤散 治吐利脾胃氣虛生風

釣藤鈎 二錢

蟬殼

天麻

防風

蝎尾 去毒

人參 各半兩

麻黃

僵蠶 炒

甘草 炙

川芎 各二錢五分

麝香 五分

九

字五九



右為末水煎服虛寒加附子一錢

黑附子湯 治慢脾風四肢厥冷

附子炒去皮 木香 人參各一錢五分 白附子一錢

甘草分多五 用為散每服三錢薑五片水煎若手足既溫即止後服

生附四君子湯 治吐瀉不思乳食凡虛冷病先與數服以正胃氣

人參 白木 附子 木香

茯苓 橘紅 甘草各等分

右為末每服五七分薑棗水煎服

辰砂膏 治慢脾冷痰壅滯手足冷而微搐者

黑附子一枚重一兩以上者去皮臍頂上穿一孔入辰砂末一錢仍用附子塞之炭火燒存性

牛膽南星兩半 白附子炒 五靈脂 蝎稍各二錢半

右為末煉蜜丸桐子大每服二三錢生薑汁泡湯下

七寶辰砂丹 治風痰奇効慢驚慢脾以辰砂為主木香佐之

用開元錢一箇背後上下有兩月片者放鐵匙上炭火內燒

少頃成珠子取入盞中作一服用木香煎湯送下人參湯亦

天麻防風丸 方見臍風

參苓白朮散 方見虛羸

異功散 卽五味異功散方見虛羸

四君子湯 方見天鈞

益黃散 方見脾臟

六君子湯 方見天鈞

補中益氣湯 方見虛羸

驚癇

錢仲陽云小兒發癇因血氣未充神氣未實或為風邪解傷或

錢氏醫法 保嬰最要卷三



爲驚悸所觸亦有因妊娠七情驚怖所致者若眼直目牽口噤  
涎流肚膨搐背項反張腰脊強勁形如死狀終日不醒則爲症  
矣如面赤目瞪吐舌嚙唇心煩氣短其聲如羊者曰心癇面青  
唇青兩眼上竄手足攣掣反折其聲如犬者曰肝癇面黑目振  
吐涎沫形體如尸其聲如豬者曰腎癇面如枯骨目白反視驚  
跳反折搐頭吐沫其聲如雞者曰肺癇面色痿黃目直腹滿自  
利四肢不收其聲如牛者曰脾癇五癇通用五色丸爲主仍參  
以各經之不心癇屬血虛者用養心湯發熱飲冷爲實熱用虎  
睛丸發熱飲湯爲虛熱用妙香散肝癇者虛症用地黃丸抽搐  
有力爲實邪用柴胡清肝散大便不通用瀉青丸腎癇者用地  
黃丸紫河車丸之類腎無瀉法故徑從虛治之肺癇者屬氣虛  
用補肺散面色痿黃者土不能生也用五味異功散面色赤者

陰火上衝於肺也用地黃丸脾癇者用五味異功散若面青瀉  
利飲食少思用六君子加木香柴胡若發熱搐掣仰卧面色光  
澤脉浮病在府爲陽易治身冷不搐覆卧面色黯黑脉沉病在  
臟爲陰難治凡有此症先宜看耳後高骨間先有青脉紋抓破  
出血可免其患此皆元氣不足之症也須以紫河車即小兒胞也丸  
爲主而以補藥佐之設若泛行剋伐復傷元氣則必不時舉發  
久而變危多至不救又有驚風食癇三種詳見後方仍參驚風  
胎風治之

治驗

一老人生子方週歲秋初暴冷忽發搐似驚癇過則氣息奄  
淹此元氣虛弱所致與補中益氣湯而愈  
一小兒十歲一小兒七歲各有癇症歲發二次後因出痘及



飲食停滯舉發頻數用六君子補中益氣二湯而愈

一小兒患前症每發吐痰困倦半餉而甦諸藥不應年至十

三而頻發用紫河車生研爛入人參當歸末九桐子大每服

三五十九日進三五服乳化下一月漸愈又佐以八珍湯全愈

一小兒七歲發驚癇每作先君令其恣飲人乳後發漸疎而

輕至十四歲復發仍用人乳不應余令用肥厚紫河車研爛

人乳調如泥日服二三次至數具而愈後常用加減八味丸

而安至二十三歲發而手足厥冷仍用前法佐以八味丸十

全大補湯而痊

五癇丸 治諸癇

雄黃

真珠

各一兩 研細

朱砂

水飛 半兩

水銀

二錢半 用錫 三兩 溶化入

水銀炒 結候冷

用為末煉蜜丸麻子大每服二三九金銀煎湯下

錢氏蛇黃丸

治驚癇因震駭恐怖叫號恍惚是也

蛇黃

真者三箇 火煨醋淬

鬱金

七分 處為末

麝香

另八 一匙

右為末飯丸桐子大每服一二九煎金銀磨刀水化下

牛黃丸 治風癇因汗出解脫風邪乘虛迷悶搐掣涎潮屈指

如計數是也

牛膽南星

全蝎

焙

蟬脫

各二 錢半

防風

白附子

生用

天麻

真僵蠶

炒各一 錢半

麝香

半字

右為末棗肉和丸水銀半錢研細入藥丸菜豆大每服一二

丸荆芥生薑湯下

妙聖丹 治食癇因驚而停食吐乳寒熱大便酸臭是也

赭石

煨醋淬 二錢半

巴豆

三箇去心 油三錢

雄黃

蝎稍

朱砂

各一 錢

輕粉

麝香

各一 匙

杏仁

微炒 二錢



右為末棗肉丸梧子大每服一二九木賊草煎湯送下  
星蘓散 治諸風口噤不語

天南星 略炮

右每服五七分薑四片紫蘓五葉水煎入雄猪膽少許溫服  
斷癰丹 治癰瘡後復作症候多端連綿不除者

黃耆 蜜炙

鈎藤鈎

細辛

甘草 炙各半兩

蛇蛻 二寸酒炙

蟬蛻 四箇

牛黃 一錢另研

右為末煮棗肉丸麻子大煎人參湯下每服數丸量兒加減  
消風丸 治風癰先宜此藥

牛膽南星 二錢

獨活

防風

天麻

人參

荆芥

川芎

細辛 各一錢

右為末蜜丸桐子大每服二九薄荷紫蘓湯調化下

祛風保安丸

諸風久遠治之並驗

川烏

去皮尖二錢半生用

五靈脂

半兩

右為末猪心血丸桐子大每服一二九薑湯化下  
雌黃丸 治顛癰搐掣惡聲嚼舌

雌黃

黃丹

微炒各五錢

麝香 五分

右為末用牛乳汁三合熬膏杵丸麻子大每服二三九  
比金丸 治驚癰先用此藥

人參

琥珀

白茯苓

遠志 薑製取肉炒

朱砂

天麻

石菖蒲

川芎

南星

青黛 各一錢

麝香 一匙

右為末蜜丸桐子大每服一二九金銀薄荷湯下  
虎睛丸 治驚癰邪氣入心

虎睛丸

治驚癰邪氣入心



虎睛 細研

遠志 薑汁

犀角 鎊屑

大黃 濕紙包

石菖蒲

麥門冬 各等分

蟻螂 去足翅 炒三枚

右為末米糊丸桐子大每服一二丸竹葉煎湯或金銀薄荷煎湯下

清神湯 治驚癇

犀角 鎊屑

遠志 薑汁

白蘇皮

石菖蒲

人參

甘草 炒各一錢半

右為末每服五七分麥門冬煎湯調下

蜜陀僧散 治心癇不語及諸驚失音用蜜陀僧為末每服一

匙米醋湯調下大人服一錢熱酒下

蜀虎散 治驚癇

襖色生蝎虎 一箇連血細研

右人朱砂麝香末少許同研用薄荷湯調作一服數年者亦

効蓋癇疾皆心血虛滯生蝎虎管守其血繼服二陳湯若無

生蝎以帶性雄猪心血代用人代赭石散大妙

代赭石散 治陰陽癇

代赭石 煨醋淬研為末 水飛過晒乾

右為末每服半錢以金銀煎湯和金箔銀箔調連進二服脚

脛上有赤斑乃邪氣發出可治無赤斑則難治

化風丹 涼風化痰退熱定搐

牛膽南星

羌活

獨活

防風

天麻

人參

川芎

荆芥

粉草 各錢

全蝎 一箇

右為末煉蜜丸皂角子大每服一錢薄荷湯化下

茯神湯 治膽氣虛寒頭痛目眩心神恐懼不能獨處或驚



茯神 酸棗仁炒 黃耆炒 柏子仁炒 白芍藥炒

五味子炒 各一兩 桂心 熟地黃自製 人參

甘草炒 五分 右每服二三錢水煎

酸棗仁丸 治膽氣實熱驚癇或睡卧不安驚悸怔忡

茯神 酸棗仁炒 遠志 柏子仁炒 防風

枳殼麩炒 各半兩 生地黃杵膏 半兩 香竹茹二錢五分

右各另為末蜜丸粟米大每服七八十九白滾湯送下

定志丸 治心神虛怯所患同前或語言鬼神喜笑驚悸

人參 茯苓 各一兩五錢 菖蒲 遠志各一兩

右各另為末蜜丸如前服

養心湯 治心血虛怯驚癇或驚悸怔忡盜汗無寐發熱煩躁

黃耆 白茯苓 茯神 半夏麴 當歸

川芎 辣桂 柏子仁 酸棗仁 五味子

人參各三錢 甘草炒 四錢 右每服二三錢薑棗水煎

妙香散 治心氣不足驚癇或精神恍惚虛煩少寐盜汗等症

辰砂三錢 麝香一錢 木香煨 二錢五分 茯苓

山藥 茯神 遠志 黃耆炒 各一兩 桔梗

甘草炒 人參各五錢 右各另為末每服一錢溫酒或白湯調服

八味地黃丸即六味地黃丸加附子肉桂各一兩 治稟賦命門火衰不能生土以致脾土虛寒或飲食少思或食而不化臍腹疼痛夜多漩溺

等症經云益火之源以消陰翳蓋謂此也或乳母命門火衰

兒飲其乳致前症者子母並宜服之方見驚癇

加減八味丸治稟賦腎陰不足或吐瀉久病津液虧損口乾作

渴或口舌生瘡兩足發熱或痰氣上湧或手足厥冷等症地

薛氏醫按 保嬰神效卷三



黃九加肉桂一兩五味子四兩

地黄丸治小兒肝經虛熱血燥或風客滯氣而患瘰癧結核或

四肢發搐眼目抽動痰涎上湧又治腎疳腦熱肢體消瘦手

足如水寒熱往來滑泄肚脹口臭乾渴齒齲潰爛爪黑面鰲

或遍身兩耳生瘡或耳內出水或發熱自汗盜汗便血諸血

失音等症其功不能盡述即六味地黃丸方見腎臟

八珍湯治氣血俱虛陰火內熱或因剋伐之劑脾胃虧損肌膚

消瘦等症即四君子四物湯方見驚風

十全大補湯治氣血虛弱或稟賦不足寒熱目汗食減體瘦發

熱作渴頭痛眩暈最宜用之方見熱症

補中益氣湯方見虛羸

六君子湯方見內鈞

紫霜丸

天麻丸二方見驚風

驚風

驚風者虛惕怔忡氣怯神散痰涎來去泄瀉色青若驚人心則

面赤夜啼用梔子清肝散加黃連入肝則面青眼竄用柴胡清

肝散入脾則面黃嘔吐虛汗嗜卧用六君加柴胡山梔入肺則

面白喘急用異功散加柴胡桔梗入腎則面黑嚙齦咬牙用六

味地黃丸若因乳母恚怒肝火或膏粱積熱遺兒為患或兒吐

瀉傷脾清氣不升風木陷入太陰傳變等因皆能致此當隨主

治驗

一小兒十五歲御女後復勞役考試失意患癩症三年矣遇

醫氏醫按



勞則發用十全大補湯加味歸脾湯之類更以紫河車生研如膏入蒸糯米為末九如桐子大每服百九日三五服而痊後患遺精盜汗發熱仍用前藥及地黃丸而愈此症治不拘男婦老幼皆効

一小兒周歲後從桌上什地良久復甦發搐吐痰沫服定驚痰等藥遇驚即復作婢媼後不時發而難愈形氣俱虛而色痿黃服十全大補補中益氣二湯而愈

至寶丹 治諸驚癇心熱及卒中客忤煩躁風涎搐搦或傷寒狂語伏熱嘔吐

生犀角 鎊屑

生玳瑁

琥珀

朱砂

水飛

雄黃

水飛各一兩

金箔

五十片半為衣

銀箔

五十片

片腦

一匙

麝香

一錢

牛黃

半兩

安息香

一兩半為末酒淘去

砂取一兩酒淘去

麝香

右各另為末和勻入安息香膏如乾入熟蜜少許桐子大服一二丸人參湯化下量兒加減

神妙奪命丹七月內取青蒿節內蟲入朱砂麝香為丸麻子大每服三五丸薑湯下

人參羌活散 治傷風驚熱

羌活

獨活

前胡

柴胡

川芎

白茯苓

桔梗

枳殼

人參

地骨皮

天麻

各三分

甘草

減半

右生薑薄荷水煎治驚熱加蟬蛻

防風導赤散 治初驚

生地黄

木通

去節

防風

甘草

各等分

右每服三錢竹葉少許水煎有熱加黃芩赤芍藥羌活

薛氏醫案

保嬰最要卷三

七

守心



蟬蛻釣藤飲 治肚疼驚蹄

釣藤鈎 天麻 茯苓 川芎 白芍藥各三錢

甘草 蟬蛻各一兩 右入燈心水煎

七寶洗心散 治煩熱生瘡兼治驚風

生地黃 荆芥穗 防風 甘草 黃芩

羌活 赤芍藥各等分 右為末每服一錢燈心薄荷湯

神芎丸治風熱壅滯頭目昏眩口舌生瘡牙齒痒蝕或遍身瘡疥咬牙驚惕怔忡煩躁作渴或大便澀滯或積熱腹滿驚風潮搐等症

大黃生 黃芩各二兩 生牽牛末一兩 滑石四兩

黃連 薄荷葉 川芎各半兩

右為末水糊丸桐子大每服三四丸溫水下

治心丸 治驚熱煩躁

人參 茯神 防風 朱砂 柴胡各三錢

金箔二十片 右為末煉蜜丸桐子大每服一二丸竹瀝調下

化風丹 方見驚癇

安神丸 方見心臟

辰砂膏 方見急驚

柴胡清肝散 方見熱症

六味地黃丸 方見腎症

梔子清肝散 方見諸熱

十全大補湯 即入珍湯加黃耆肉桂

異功散 方見天鈞

補中益氣湯 方見虛高脈



六君子湯

六見天鈞

天鈞內鈞

天鈞者發時頭目仰視驚悸壯熱兩目反張淚出不流手足搐掣不時悲笑如鬼祟所附甚者瓜甲皆青蓋因乳母厚味積毒在胃致兒心肺生熱痰鬱滯或外挾風邪為患法當解利其邪用鈞藤飲上氣喘粗者用烏蝎四君子湯內鈞者腹痛多喘唇黑囊腫僵僕反張眼尾赤此胎中受風及外驚所致若內臟抽掣作痛狂叫或泄瀉縮脚內症一作外症亦然經難調理內症服聚寶丹外症服鈞藤飲進乳食者可治若腹痛唇黑囊腫之類用聚寶丹若外驚內臟抽搐之類用鈞藤飲若因乳母醇酒厚味積毒在胃用加味清胃散若因乳母鬱怒積熱在肝用加味逍遙散加味歸脾湯俱加漏蘆子母俱服凡母食膏粱厚味

飼兒之時先擠去宿乳然後吮之

治驗

一小兒因乳母受驚發搐時目赤壯熱腹痛哭而曲腰用四物加柴胡防風又用加味逍遙散加熟地黃以清肝熱生肝血再用地黃丸滋腎水以生肝木母子俱安

一小兒曲腰而啼面青唇黑此寒氣所乘內鈞腹痛也用五味異功散加木香乾薑一劑與母服之頓愈後因母感寒腹痛而啼用人參理中湯一劑與母服其子亦安

一小兒曲腰乾啼手足並冷用六君子加乾薑木香服之未應又加肉桂母子俱服而安

一小兒忽乾啼作瀉睡中搐手足冷此脾土虛寒肝木侮之而作發搐乃內鈞也用益黃散一劑而安用四君子加柴胡



升麻乳食漸進而安

一小兒乾啼面青或赤手足並熱或用清熱之劑久不愈診其乳母有肝火氣滯用加味逍遙散及越菊丸以治其母時灌子數滴不旬日子母並愈

一小兒患前症服魏香散而愈後復作服祛風鎮驚之藥上氣喘粗此元氣虛寒也余先用烏蝎四君子湯稍愈但倦怠殊甚用補中益氣湯及五味異功散而痊

一小兒因母每感寒腹痛飲燒酒發熱痰盛面赤手足並熱屬胃經實熱之天鈞也用清胃散子母服之並愈後因傷乳吐瀉面色或清或白手足並冷屬脾氣虛寒用六君子木香乾薑而愈三歲後傷食腹痛唇黑作瀉數去後而無糞或糞少而青此元氣虛寒下陷用補中益氣湯漸愈

一小兒啼哭陰囊腫大眼目上翻赤脉流淚此肝熱內鈞用柴胡清肝散加鈞藤鈞治之諸症漸愈又用鈞藤飲而痊後復發或用祛病根之藥致乳食日少肚中脹痛手足浮腫余先用六君子升麻柴胡數劑諸症稍愈又傷乳食吐瀉用平胃散一服即愈

一小兒因乳母懷抱鬱結腹痛發搐久而不愈用加味歸脾湯加漏蘆母子並服漸愈又母大怒發厥而甦兒遂食乳腹痛作瀉面青作嘔先用小柴胡湯二劑母子並服少愈其母又噯酸腹脹用越鞠丸加味歸脾湯佐以加味逍遙散而痊鈞藤膏 治腹痛乾啼作嘔名盤腸內鈞

乳香

沒藥

木香

薑黃

各一錢

木鱉子

三箇

右為末蜜丸皂角子大鈞藤鈞湯磨半丸入蜜服未

止再服



魏香散

阿魏二錢先用溫酒溶化 蓬朮五錢

用將蓬朮浸阿魏酒中一

伏時焙乾為末每服二三分紫蘇米飲調下

釣藤飲 治小兒臟寒夜啼陰極發躁此方主之

釣藤 茯神 茯苓 川芎 當歸

木香 甘草 芍藥各一錢

右為末每服一錢薑棗水煎若心經熱臉紅舌白小便赤澀用釣藤飲去木香加朱砂末一錢木通湯下

乳香丸 治驚風內釣腹痛驚啼

乳香半錢 沒藥 沉香各一錢 蝎稍十四箇 雞心栴榔一錢

右為末蜜丸桐子大每服二三錢菖蒲釣藤鈎煎湯下

木香丸 治病同前

木香 全蝎各五分 沒藥 茴香 釣藤鈎一錢

右各別為末以大蒜研爛和丸桐子大曬乾每服二九鈎藤煎湯下

煎湯下

清胃散 治胃火牙痛或連頭面

升麻五分 生地黃 牡丹皮 黃連炒 當歸各三分

右水煎服加柴胡山梔即加味清胃散

愚按前方治脾胃實火作渴口舌生瘡或唇口腫痛齒齦潰爛

爛燉連頭面或惡發熱或重舌馬牙吐舌流涎等症予母並宜服之若因脾胃氣虛寒涼剋伐或虛熱上行口舌生瘡弄

舌發熱飲食少思嘔吐困睡大便不實流涎齦爛者用五味異功散

四君子湯 治脾氣虛損吐瀉少食

薛氏醫按 保嬰撮要卷三 三 字三



人參

白朮

茯苓

甘草

各等分

右每服二錢薑棗水煎

新增

愚按前方若胃氣虛弱剋伐傷脾飲食少思或食而難化若作嘔作泄尤宜用之如兼痰嗽氣逆肢體倦怠面目浮腫者宜六君子湯

六君子湯即四君子加陳皮半夏治脾胃氣虛吐瀉不食肌肉

消瘦或肺虛痰嗽喘促惡寒或肝虛驚悸目眩自汗諸症並

宜服之以滋化源方

見內鈔

錢氏異功散

治吐瀉不食脾胃虛冷者先與數服以益

中州之氣

人參

茯苓

白朮

甘草

炒

陳皮

各等分

右為末每服二三錢薑棗水煎

愚按前方治脾胃虛弱吐瀉不食或驚搐痰盛或睡而露睛

手足指冷或脾肺虛弱咳嗽吐痰或虛熱上攻口舌生瘡弄舌流涎若母有症致兒患此者子母並服之

加味歸脾湯去丹皮山梔即歸脾湯治脾虛弱損健忘驚悸等

人參

黃耆

茯神

去木各一錢

甘草

白朮

炒一錢

木香

五分

遠志

去心

酸棗仁

龍眼肉

當歸

牡丹皮

山梔

各一錢

用水煎服

愚按前方若乳母憂思傷脾血虛發熱食少體倦或脾虛不能統攝以致陰血妄行或健忘怔忡驚悸少寐或心脾作痛自汗盜汗或肢體腫痛大便不調或婦人經候不調肺熱內熱或蠶唇流注等症致兒為患者令子母俱服之

加味逍遙散去牡丹皮山梔即逍遙散治肝脾血虛等症

當歸

甘草

炙

芍藥

酒炒

茯苓

白朮



柴胡錢各一 牡丹皮 山梔錢各七分 用水煎服

愚按前方若乳母肝脾血虛內熱寒熱遍身搔痒肢體作痛  
頭目昏重怔忡頰赤口燥咽乾或發熱盜汗食少不寐或口  
舌生瘡耳內作痛胸乳腹脹小便不利致兒為患尤宜用之  
又治婦人陰虛發熱兒飲其乳以致患瘡者

越鞠丸 治六鬱飲食少思或胸滿吐酸齒痛瘡疥等症

蒼朮 撫芎 香附 神麩炒 山梔炒

麥芽炒 山粗各等分

右各為末水煮神麩麥芽末糊丸粟米大每服百丸白湯送下

鎮心丸 治急驚化痰鎮心

朱砂 龍齒 牛黃各一錢 鐵粉 琥珀

人參 茯苓 防風各二錢 全蝎七箇

右為末蜜丸桐子大每服一二丸薄荷湯送下

聚寶丹

烏蝎四君子湯 一方見慢驚

平胃散

益黃散 方見噤風

人參理中湯 方見傷寒

補中益氣湯 方見虛癆

六君子湯 方見內釘

釣藤散 方見慢驚

地黃丸 方見腎臟

柴胡清肝散 方見熱症

四物湯 方見急驚

薛氏醫案

保嬰撮要卷三

三



小柴胡湯

方見瘥症

盤腸氣痛

小兒盤腸氣者痛則曲腰乾啼額上有汗皆由肝經風邪所搏也肝腎居下故痛則曲腰乾燥者風燥其液故無淚也額上有汗者風木助心火也口閉足冷者脾氣不營也下利青糞者肝木乘脾也皆由產下澡洗受風冷所致當服釣藤膏之類若乳母及兒受寒邪者用沉香湯之類若兒額間有汗口閉脚冷乃虛寒也用當歸散或沉香降氣湯之類若面赤唇焦小便不通小腹脹痛者乃小腸熱也用人參湯送下三黃丸若痛不止煎蔥湯淋揉其腹就以熱蔥熨臍腹間良久尿出痛止或以乳香沒藥木香各少許水煎灌匙許若因乳母飲食停滯者用保和丸懷抱氣鬱者加味歸脾湯怒動肝火者加味逍遙散子母俱

服並佳

治驗

一小兒曲腰啼叫右腮青黑此臍腹內痛因脾土虛寒肝木乘也也用六君子加木香釣藤鈎即愈  
一小兒因乳母大怒亦患前症面赤而啼小便不利用加味逍遙散加木通車前子母子服之並愈  
一小兒啼叫面赤手足不冷用釣藤飲隨愈後因其母飲酒厚味仍啼手足發熱又用前藥加生地黃而愈後又面青手足冷啼叫吐瀉其糞腥穢用助胃膏一服而安  
一小兒患前症曲腰而啼額間出汗足冷唇青糞青先用釣藤膏治愈後復患仍用釣藤鈎膏而痛減半又煎蔥湯熨洗其腹腹痛遂安



一小兒唇青足冷啼聲不絕用助胃膏一服稍安又食生冷之物前症仍作更泄瀉不止先用六君子加木香乾薑一劑乃去木香乾薑又二劑其瀉頓止又用四君子少加升麻四劑飲食加進

一小兒十四歲腹痛吐瀉手足常冷肌體瘦弱余謂所稟命門火虛也用六君子湯八味丸漸愈畢因房勞勤讀感冒發汗繼以飲食勞倦朝涼暮熱飲食不思用六君子十全大補二湯尋愈後不慎飲食起居午前臍下熱起則遍身如炙午後自足寒至腰如冰熱時脈洪大按之如無而尺微甚寒時則六脈微細如絕湯粥稍離火食之即腹中覺冷此亦稟命門火衰之症也用補中益氣湯八味丸各百餘服漸愈後大吐血別候服犀角地黃丸一劑病益甚飲食頓減而色

晄白手足厥冷或時發熱寒時脈微細而短者陽氣虛微也熱時脈洪大而虛者陰火虛旺也余用十全大補及八珍湯六君子之類但能扶持而血不止復因勞役吐血甚多脈洪大鼓指按之如無而兩寸脈短此陽氣大虛也用人參一兩附子一錢佐以補中益氣湯數劑諸症漸退乃減附子五分又各數劑脈症悉退乃每服人參五錢炮薑五分月餘始愈當歸散 治臟寒腹痛面青手冷夜啼不乳

當歸

白芍藥

人參

甘草

桔梗

橘皮

去白各一錢

用為末水煎半盞時時少與服

沉香降氣湯 治氣不升降胸膈痞塞心腹脹滿喘促短氣乾噦煩滿咳嗽痰涎口中無味嗜卧不食

香附子

二兩

沉香

砂仁

各一錢

甘草

七錢



右為末每服一錢入鹽少許沸湯點乎且空心服  
愚按前方若乳母中氣鬱滯不能升降患此症致兒作痛者  
亦用之

三黃丸 方見痲氣

加味歸脾湯

加味逍遙散

釣藤膏 三方見內鈞

助胃膏 方見熱吐

魏香散

六君子湯 二方見內鈞

四神丸 方見脫肛

八味丸

補中益氣湯 方見虛齋

### 胎驚

小兒胎驚風者因妊婦飲酒忿怒驚跌或外挾風邪內傷於胎  
兒生下即病也若月內壯熱翻眼握拳禁口出涎腰強搐掣驚  
怖啼叫顛縮顛開頰赤面青眼合者當散風利驚化痰調氣及  
貼顛法甚則以硃銀丸下之若面青拳搐用保命丹釣藤散之  
類切勿不可悞作脾風妄用溫藥若眉間色赤或虎口指紋曲裏  
者可治用釣藤散全蝎散若眉間色黑或指紋反出外者不治  
大抵小兒臟腑脆弱不可輒用銀粉鎮墜之劑反傷真氣多致  
不故者且妊娠每月各有經脉滋養一月屬肝二月屬膽三月  
屬心四月屬小腸五月屬脾六月屬胃七月屬肺八月屬大腸  
九月屬腎十月屬膀胱多因妊娠時受患而作也須察於某月



受病病在某經和其陰陽調其脾胃兼以見症之藥佐之無有不愈

治驗

一小兒患胎驚諸藥不應  
用紫河車研爛如泥每用錢許乳  
化服之更以十全大補湯加釣藤鈎漏蘆與母服兩月餘舉  
發漸輕服年餘舉發漸稀服年餘不再發至出痘後復發取  
紫河車研爛入糯米粉丸小痘大每服百丸以乳送下服二  
具全瘥畢姻又發仍用前丸及十全大補湯六味丸加當歸  
黃耆肉桂五味子年餘喜其能遠惟慎得痊後因勞役更作  
又用前丸及十全大補等藥不應  
用大劑獨參湯服數斤然  
後舉發稍緩乃用人參二兩附子一錢數服頓止仍用前藥  
間白獨參湯而痊

小兒患胎驚用紫河車丸及十全大補湯及釣藤膏而愈

畢婚後復發用大劑獨參湯六味丸加五味子黃耆當歸前  
服半載舉發稍輕年餘不再發後每勞役怒氣仍發即用前  
藥隨愈又傷寒愈後復作虛症悉具莫能名狀用紫河車二  
具獨參煎湯十餘斤而痊後患傷風咳嗽咽乾內熱用六味  
地黃丸料加五味子煎服及十全大補湯而痊

十全大補湯即八珍湯加黃耆肉桂四物四君子合用方見急驚

地黃丸方見腎臟

硃銀丸方見噤風撮口

保命丹方見發搐

釣藤散方見慢驚

全蝎散方見偏風口噤

貼顯法方見發搐

蘇天醫案



釣藤膏 方見天鈞

紫河車丸 方見前症

胎風

小兒初生其身有如湯燄火傷者此皆乳母過食膏粱所致也其母宜服清胃散及逍遙散以清其氣血兒亦飲數滴可也身無皮膚而不煖赤者皆由產母脾氣不足也用粳米粉傅之煖赤發熱者皆由產母胃中火盛也用石膏傅之經謂脾主肌肉肺主皮毛故知病脾肺也如腦額生瘡者火土相合遂成濕熱下流攻擊腎水也難治如脚上有瘡者陰虛火盛也此不滿五歲而斃如未滿月而撮口握拳腰軟如隨者此肝腎中邪勝正賜所致也三日內必不治如男指向裏女指向外尚可治眉紅亦不可治可治者用全蝎散釣藤散等類治之若因大病虧

損胃氣而諸臟虛弱所致者用補中益氣湯錢氏地黃丸若面唇赤色正屬腎水不足肝經陰虛火動而內生風熱爾當滋腎水以制陽光其身軟者內稟氣不足肌肉未堅也當參五軟而施治之

清胃散

逍遙散 二方見內鈞

全蝎散 方見口噤

釣藤散 方見慢驚

補中益氣湯 方見虛羸

錢氏地黃丸 方見腎臟

五軟

五軟者頭項手足肉口是也夫頭軟者臟腑骨脉皆虛諸陽之



氣不足也乃天柱骨弱腎主骨足少陰太陽經虛也手足軟者脾主四肢乃中州之氣不足不能營養四肢故肉少皮寬飲食不爲肌膚也口軟者口爲脾之竅上下齟屬手足陽明陽明主胃脾胃氣虛舌不能藏而常舒出也夫心主血肝主筋脾主肉肺主氣腎主骨此五者皆因稟五臟之氣虛弱不能滋養充達故骨脈不强肢體痿弱源其要總歸於胃蓋胃水穀之海爲五臟之本六腑之大源也治法必先以脾胃爲主俱用補中益氣湯以滋化源頭項手足三軟兼服地黃丸凡此症必須多用二藥仍令壯年乳母飲之兼慎風寒調飲食多能全形

治驗

吳江史萬湖子七歲患吐瀉顛目頓陷天柱骨倒兼面赤色余適在彼先用補中益氣湯加附子一劑其瀉止而諸症愈

又用錢氏地黃丸料煎服頓安

一小兒七歲夏間過食生冷之物早間患吐瀉面赤作渴手足並熱項軟顛陷午後面色頓白手足並冷脈微欲絕急以六君子湯加附子一劑諸症頓除顛頂頓起而安小兒易虛易實故雖危症若能速用對病之藥亦可回生者

一小兒九歲因吐瀉後項軟面白手足並冷脈微細飲食喜熱余先用六君子湯加肉桂五劑未應更加炮薑四劑諸症稍愈面色未復尺脈未起佐以八味丸月餘面色微黃稍有胃氣矣再用前藥又月餘飲食略增熱亦大減乃朝用補中益氣湯食前用八味丸又月餘元氣漸復飲食舉首如常又月餘而肌肉充盛諸病悉愈

一小兒十二歲瘧疾後項軟手足冷飲食少思粥湯稍離火



食之卽腹中覺冷用六君子湯加肉桂乾薑飲食漸加每飲  
食中加茴香胡椒之類月餘粥食稍可離火又用前藥百劑  
飲食如常手足不冷又月餘其首能舉後飲食停滯患吐瀉  
項乃痿軟朝用補中益氣湯夕用六君子湯及加減八味丸  
兩月餘而項復舉畢姻後眼目昏花項骨無力頭自覺大用  
八味丸補中益氣湯三月餘元氣復而諸症退後每入房勞  
役形氣殊倦盜汗發熱服後二藥卽愈

一小兒十五歲手足痿軟齒不能嚼堅物內熱瞞熱小便澀  
滯如淋服分利之劑小便如淋服滋陰之劑內熱益甚服燥  
濕之劑大便重墜余謂此稟腎氣不足早犯色慾所致故精  
血篇云男子精未滿而御女以通其精五臟有不滿之處異  
日有難狀之疾老人陰已痿而思色以降其精則精不出而

內敗小便澀痛如淋若陰已耗而復竭之則大小便澀痛愈  
痛則愈便愈便則愈痛正謂此也遂朝用補中益氣湯夕用  
六味丸加五味子煎服各三十愈劑諸症漸愈後夢遺諸症  
復作手足時冷痰氣上急用十全大補湯加味八味丸料各  
八劑二便稍利手足稍溫仍用前二藥三月餘元氣漸復飲  
食如常又飲食停滯吐瀉腹痛按之不疼此脾胃受傷也用  
六君子湯加木香肉荳蔻治之其吐未已左尺右關二脈輕  
診浮大按之如無經云腎開竅於二陰用五味子散四服大  
便頓止後又傷食噁酸作瀉大便重墜朝用補中益氣湯夕  
用六君子湯加木香乾薑而痊

一老年得子四肢痿軟而惡風寒見日則喜余令乳母日服  
加減八味丸三次十全大補湯一劑兼與其子年餘肢體漸



強至二週而能行

一小兒五歲稟父腿軟不便於行早喪天真年至十七畢姻後腿軟頭顙自覺開大喜其自謹寓居道舍遂朝服補中益氣湯夕用地黃丸料加五味子鹿茸煎服年餘而健  
一小兒項軟服前二藥而愈畢姻後患解顙作渴發熱以二藥作大劑煎熟代茶恣飲兩月餘而渴熱減年餘而顙顙合又年餘而肢體強若非慎疾雖藥不起

星附膏 治項軟

天南星 附子各等分

右為末用生薑自然汁調敷項間乾則潤之

六君子湯 方見天鈞

加減八味丸 即六味丸加肉桂五味子方見腎臟

補中益氣湯 方見虛羸

地黃丸 方見腎臟

五味子散 方見

五硬

五硬者仰頭取氣難以動搖氣壅作痛連於胸膈脚手心冷而硬此陽氣不營於四末也經曰脾主四肢又曰脾主諸陰今手足冷而硬者獨陰無陽也故難治若肚筋青急者木乘上位也急用六君炮薑肉桂柴胡升麻以復其真氣若係風邪當參驚風治之此症從肝脾二臟受病當補脾平肝仍參瘕症急慢驚風門治之

小續命湯 治中風不省人事涎鳴反張失音厥冷

麻黃 人參 黃芩 炒 川芎 芍藥

薛氏醫安

保嬰最要

川芎

芍藥



保嬰撮要卷之三

甘草炒 杏仁去皮尖炒 羌防已 官桂去皮各十兩

防風七錢五分 附子炮去臍二錢

每服一錢水煎服

六君子湯方見天鈞

保嬰撮要卷之三終

保嬰撮要卷之四

薛氏醫按

吳郡薛鎧集 薛已驗

江都 吳中珩校

風熱風症

中風之症西北方有之東南氣溫腠理疎泄人患之者皆類中風也况小兒元氣未充皮毛不固易虛易實外邪乘之則壯熱抽掣氣粗涎涌甚至昏憤口噤即似中風候以續命等湯投之多至不救大人且無真中况小兒乎凡有前症當辯其因若陽明經氣虛風邪所乘筋脉拘急者為外因足厥陰肝火熾盛筋脉偏急者為內因脾肺虛弱腠理不密外邪乘入或急驚風過服金石之劑耗損肝血或吐瀉後內忘津液不能養肝至口眼喎斜者皆肝血不足肝火生風之類中風之類症也

薛氏醫按

保嬰撮要卷之四



治驗藥方

散見各症

痲症

發痲之症因傷風汗出悞發汗或濕症汗多所致若項背強直腰背反張搖頭掣口不語發熱腹痛病在足太陽也若面目赤色無汗惡寒牙關緊急肢體反張痰涎壅盛昏憤煩渴小便赤澀先譫語而發者名剛痲當發汗若大便滑泄不語不渴有汗而不惡寒先手足厥冷而發者名柔痲並以小續命湯加減主之剛痲去附子用麻黃柔痲用附子去麻黃若壯熱譫語口乾手足微寒大便滑泄此兼剛柔無汗用葛根湯有汗用桂枝加葛根湯若痰塞氣盛用南星半夏茯苓以消痰積實陳皮紫蘇以順氣更審其熱輕者用敗毒散熱盛者用小柴胡湯壯熱有汗胸滿口噤咬牙便閉為內熱以大承氣湯下之後用大

柴胡湯解之過三日則難治此皆治六淫外傷元氣形病俱實之法也若小兒多因驚駭停食或乳母六淫七情飲食起居失宜所致更當審之兼治其母大要因驚目直呵欠項強頓悶屬肝經實熱用抑肝散咬牙呵欠手尋衣領屬肝經虛熱用地黃丸若肺金不能平木用異功散脾不能養肝用六君子湯水不能生木用地黃丸

治驗

一小兒感冒發熱咳嗽咬牙余以為脾肺氣虛不信乃用解散之藥果項強口噤汗出不止手足並冷遂用五味異功散加柴胡木香治之漸愈但日晡微熱睡而露睛用補中益氣湯而痊

一小兒因驚發熱誤行表散出汗面白日晡發痲先兄謂脾



肺氣虛而肝膽邪盛以六君子加柴胡升麻治之乃發於寅  
卯時此肝邪自旺也用加味道遙散一劑其熱頓退又用補  
中益氣湯六味地黃丸而愈

一小兒患瘰癧潰而發瘰頓悶咬牙寒熱此屬肝經風熱先  
用柴胡梔子散一劑寒熱頓止次用四物參芪白朮柴胡漸  
止又用補中益氣湯加芍藥茯苓而痊

一小兒頭患瘡潰而發瘰或寒熱作渴或手足厥冷其脉洪  
大浮緩按之皆微細此元氣虛而邪氣實也用十全大補湯  
加柴胡山梔數劑諸症漸退而脉漸斂又十餘劑而愈

一小兒驚風服抱龍丸保生錠吐涎甚多又汗出發瘰仍欲  
祛痰余曰此肝脾血虛而内生風耳吐痰不止脾肺氣虛不  
能攝涎也汗出發瘰脾肺氣虛而亡陽也用六君子湯加炮

薑木香頓愈又用四君子加歸芪而安

一小兒傷風發熱服解散之藥汗出不止瘰症悉具其脉洪  
大鼓指按之微細此汗多亡陽脾肺氣虛之症也用異功散  
加芎歸黃芪其汗頓止又用補中益氣湯而痊

一小兒停食腹痛發熱嘔吐服峻厲之劑更吐瀉汗多手足  
並冷發瘰不止其脈浮洪按之如絲用六君子湯加升麻炮  
薑瘰症頓已惟寒熱往來又用四君升麻柴胡而愈

少叅王陽湖孫女年八歲發瘰服降火消導之劑其脈浮洪  
寒熱如瘰余用四君子加升麻柴胡炮薑釣藤鈎及補中益  
氣湯間服漸愈但脇下作痛去炮薑加木香肉桂而痊

一小兒因乳母大怒發熱脇痛亦患前症兼汗出作嘔先用  
小柴胡湯一劑子母俱服頓愈但目瞶潮熱以異功散加升



麻柴胡治之並愈

一小兒因乳母發熱吐瀉一小兒因乳母食厥昏憤同患前症各治其母而子悉愈

桂枝加乾葛湯 治頭痛項背強几几汗出惡風者

桂枝 芍藥 甘草 葛根 四錢

右每服二錢薑棗水煎

小柴胡湯治身熱惡寒風瘧項強直急胸脇滿痛嘔噦煩渴寒熱往來或身面皆黃小便不利大便秘澀或驚過不解潮熱不除及差後勞復發熱疼痛如瘡發作有時 方見肝臟

加味小柴胡湯 即小柴胡加山梔牡丹皮

保生錠子 治慢驚尚有陽症

全蝎 白附子 炮 僵蠶 牛胆南星 蟬蛻

琥珀 辰砂 各一錢 麝香 五分 防風 一錢

右為末糊搜和捏成錠子金銀薄為衣用薄荷湯磨服

大柴胡湯 治表裏熱大便秘澀胸滿脇痛

柴胡 枳實 各二兩 半夏 一兩

赤芍藥 一兩 黃芩 二兩 大黃 三兩七分

右生薑紅棗煎不拘時服

小續命湯 方見五硬 抑肝散 方見肝臟

地黃丸 方見腎臟 敗毒散 方見發熱

六君子湯 五味異功散 二方見內鈞

補中益氣湯 方見虛羸 加味逍遙散 方見內鈞

柴胡梔子散 方見發熱 四物湯 方見急驚

十全大補湯 八珍湯加黃芪肉桂即

薛氏醫按 保嬰掛要卷之四



抱龍丸

方見傷寒

四君子湯

方見內鈞

大承氣湯治剛瘕胸滿內實口噤咬牙大熱發湯大便秘澀

大黃

芒硝 各五錢

厚朴 一兩

枳實

葛根湯治太陽病項強几几惡風無汗及惡寒剛瘕

葛根 四兩

麻黃 一錢

桂 一兩

右每服二錢水煎

夜啼

夜啼有二曰脾寒曰心熱也夜屬陰陰勝則脾臟之寒愈盛脾為至陰喜溫而惡寒寒則腹中作痛故曲腰而啼其候面青白手腹俱冷不思乳食是也亦曰胎寒用釣藤散若見燈愈啼者心熱也心屬火見燈則煩熱內生兩陽相搏故仰身而啼其候面赤手腹俱緩口中氣熱是也用導赤散若面色白黑睛少屬

腎氣不足至夜陰虛而啼也宜用六味丸若兼泄瀉不乳脾胃虛弱也用六神散若兼吐瀉少食脾胃虛寒也用六君炮木香大便不化食少腹脹脾氣虛弱也用異功散心血不足者秘旨安神丸木火相搏者柴胡梔子散肝血不足者地黃丸木抵此症或因吐瀉內亡津液或稟賦腎陰不足不能滋養肝木或乳母恚怒肝火侮金當用六君子湯補脾土以生肺金地黃丸壯腎水以滋肝木若乳母鬱悶而致者用加味歸脾湯乳母暴怒者加味小柴胡湯乳母心肝熱搏柴胡梔子散仍宜參客忤驚啼覽之

治驗

一小兒發熱夜啼乳食不進昏迷抽搐痰盛口噤此脾肺氣虛風木所乘痰食積於胸腹也先用大安丸後用六君釣藤



鈞而痊

一小兒三歲面自夜啼小便青而數此肺腎虛弱朝用補中益氣湯加肉桂一分夕用地黃丸而愈大凡小兒面色青黑睛少或解顱足熱者出痘多在腎經預用地黃丸補腎氣多得無恙者

一小兒二歲夜啼面色赤黑睛色淡小便頻赤朝用補中益氣湯加山藥五味夕用地黃丸而愈

龍齒散 治拘哭肚痛驚熱

龍齒 蟬脫 釣藤鈎 羌活 茯苓 各等分

右為末每服一錢水煎服

碧雲散 治渾身壯熱夜啼

柏葉 二分 南星 殭蠶 全蝎 鬱金 雄黃 各錢

右為末每服一錢用薄荷湯入蜜調服

六神散 治腹痛面色青口中氣冷及四肢俱冷曲腰而啼或泄瀉不乳

人參 山藥 白朮 各五錢 甘草 炒二分 茯苓 扁豆 炒各一分

右為末每服二錢薑二片棗水煎一方有芍藥當歸人參各二錢五分甘草桔梗陳皮桂各一錢

愚按前症悉屬脾土虛寒元氣下陷本方更加柴胡升麻升提元氣而補脾土為善

神綠散

全蝎 去足翅不 青薄荷 焙乾

右為末每服半錢薄荷湯調下

無擇燈花散 治心燥夜啼

薛氏醫按

保嬰撮要卷之四



燈花三二二

右研細用燈草煎湯調塗口中乳汁送下日三服一法用燈花塗乳上令兒吮之無燈花用燈草燒灰辰砂少許亦妙或用燈花七枚鵬砂一字辰砂少許蜜調塗唇上立安

安神散 治夜啼

蟬蛻四十九枚只用後半段截去前半段并去足翅

右為末分四服用釣藤鈎湯調下

人參黃連散 治心經蘊熱夜啼

人參二錢五分 黃連一錢五分

炙甘草 五分

竹葉二十片

右薑水煎服

太乙丹 治睡驚夜啼

桔梗一兩五錢

藿香葉五錢

川芎二錢五分

白芷三錢

白扁豆五錢

右為末煉蜜丸櫻桃大辰砂麝香為衣每服半丸薄荷湯下糞色青棗湯下夜啼燈心釣藤湯下加白朮茯苓白芍

九妙 地黄散 治身熱口乾咳嗽心煩

生地黃 五錢

麥門冬去心七錢

杏仁炮去皮尖

款冬花

陳皮各三錢

甘草炙二錢半

右為末每服二三錢水煎溫服

釣藤散 方見慢驚

導赤散 方見心脈

地黄丸 方見腎臟

六君子湯

五味異功散 二方見內約

秘旨安神丸 方見發搐即

柴胡梔子散 方見諸熱症即

加味歸脾湯 方見內約

小柴胡湯 方見瘧症

大安丸 即保和丸加白朮方見內約

王氏醫案

呆嬰最要卷之四

七

守



補中益氣湯

方見虛羸

### 悲哭

悲哭者肺之聲淚者肝之液也若六脈弦緊者先以溫湯浸其身取汗次以涼膈散之類清其內熱此張子和治法如此若因乳母怒火遺熱於肝肝火炎熾反侮肺金金木相擊故悲哭有聲者宜用六君子柴胡山梔以補脾清肝用六味丸以壯水生木有因驚風過服祛風燥血之藥而致者有因吐瀉內亡津液而致者及稟父腎陰不足不能生肝者治各審之若小兒忽然大叫作聲者不治此稟腎陰不足虛火炎上故也用六味丸多有生者仍參覽夜啼客忤驚啼重舌口瘡天釣內釣等症

### 治驗

一小兒每忽哭白睛多每悲面色赤余謂稟賦腎虛火妄動

而然也用地黃丸半載後雖哭而面色不赤諸症皆愈

一週歲兒痰嗽哭不已用抱龍丸少止良久亦然余視其右

腮潔白左腮青赤此肺肝二經相擊而作先用瀉白散祛肺

邪次用柴胡梔子散平肝木後用地黃丸滋腎水而痊

一小兒瘦癯啼叫額間青黑此驚風肝木乘脾腹中作痛也

先用六君子湯加木香柴胡釣藤鈎啼叫漸緩更加當歸又

二劑而安

一小兒發熱夜啼乳食不進昏迷抽搐痰盛口噤脉紋如水

字此脾肺氣虛風木所乘痰食積於胸腹也先用大安丸後

用六君子加釣藤鈎而痊

涼膈散

方見瘡瘍

防風通聖散

方見風癱

六君子湯

方見內釣

六味地黃丸

方見腎臟

薛氏醫案

保嬰最要卷之四

八

字八九



抱龍丸

方見傷寒

瀉白散

方見肺藏

柴胡梔子散

方見發熱

大安丸

即保和丸極白  
木方見內錄

胎症

小兒胎症謂胎熱胎寒胎黃胎肥胎弱是也胎熱者初生旬日之間目閉色赤眼胞腫啼叫驚煩壯熱溺黃此在胎中受熱及膏梁內蘊宜用清胃散之類胎寒者初生百日內或手足攣屈或口噤不開此在胎母過食生冷或感寒氣宜用五味異功散之類胎黃者體目俱黃小便秘澀不乳啼叫或腹膨泄瀉此在胎母過食炙煇辛辣致生濕熱宜用生地黄湯之類熱盛者瀉黃散之類胎肥者肌肉稟厚遍身血色彌月後漸瘦五心煩熱大便不利口吻流涎此受母胃熱所致也乳母服大連翹飲兒用浴體法以疎通其腠理胎弱者面無精光肌體瘦薄身無血

色大便白水時時哽氣目無精神亦宜用浴體法

消風散 治諸風上攻頭目昏眩項背拘急肢體煩疼肌肉顫

動耳若蟬鳴鼻塞多嚏皮膚頑麻癢癢疹目澀昏困

白茯苓 芎藭 羌活 荆芥穗 防風 藿香葉

白殭蠶 炒去絲嘴 蟬蛻 微炒 甘草 厚朴 去皮薑汁製 陳皮 炒

右為末每服半錢茶清或薄荷湯調下荆芥湯亦可

生地黄湯 治妊娠食酒麵五辛積熱小兒生下遍體面目皆

黃也乳母仍忌酒麵五辛等物

生地黄 芍藥 川芎 當歸 各等分

右每服五錢水煎產婦服仍滴兒口數滴

大連翹飲 方見噤風撮口 瀉黃散 方見脾臟

清胃散 方見內鈞 異功散 二方見內鈞



浴體法 方見齋搖

### 解顛顛填顛陷

錢仲陽云小兒解顛或久不合者因腎氣有虧腦髓不足故兒多愁少喜目睛多白而身瘦蓋人之腦髓如木無根有數歲而成廢人者服錢氏地黃丸更用南星微炮爲末米醋調傅緋帛烘熱貼之其桶子仁散三辛散封顛散俱效夫腎主骨腎氣實則腦髓充而顛早合骨脈盛而齒早生腎氣怯則腦髓虛而顛不合此由父母精血不足宜用地黃丸補之若在乳下當兼補其母更以軟帛緊束其首使其易合皆虛火上衝當調補脾腎爲善顛填顛陷亦曰所稟腎氣不足及乳哺失宜脾胃虧損所致夫脾主肌肉氣逆土衝而爲填脹元氣下陷而爲顛陷也並用補中益氣湯地黃丸及用狗頭骨炙黃爲末以雞子清調敷

顛門亦有瀉痢氣血虛脾胃不能上充者亦用前法若手足並冷前湯加薑桂未應虛寒甚也急加附子緩則多致不救

### 治驗

一小兒顛解足軟兩膝漸大不能行履用六味地黃丸加鹿茸治之三月而起

一小兒十四歲解顛自覺頭大視物昏大畏日羞明此稟賦腎氣怯弱用六味丸加鹿茸及補中益氣湯加山藥山茱萸半載愈二載而顛合既婚之後仍覺顛門開解足心如炙喜其斷色慾薄滋味日服前藥二劑三載而愈後入房兩腿痿軟又教以服前丸守前戒而愈

一小兒年十四歲而近女色發熱吐痰至有室兩目羞明頭覺脹大仍不斷慾其頭漸大顛門忽開用地黃丸益氣湯之



前以醫掛  
類斷色慾年餘而愈  
七  
字九

類斷色慾年餘而愈

一小兒年十三歲患前症內熱脯熱形體倦怠食少作渴用六味丸加鹿茸補之不越月而痊

一小兒吐瀉發熱頤陷作渴用七味白朮散母子並服而愈  
一小兒久病發熱其頤或陷或填手足或溫或冷余用補中益氣湯加蔓荊子炮薑治之而安

一小兒頤陷吐瀉手足並冷用白朮散加木香炮薑治之而愈後傷食腹痛手足復冷用六君炮薑治之更加昏憤口角流涎此脾胃虛寒之甚也急加附子遂愈

一小兒病後其頤或陷或填此脾胃虛熱也朝用補中益氣湯加蔓荊子炮薑木香治之而頤平但作瀉口乾用白朮散以生胃氣而愈

柏子仁散 治頤門不合

防風 一兩 五錢 柏子仁 一兩

右為末乳汁調塗頤門十日而合

三辛散 治腦角骨大頤門不合

細辛 桂心 各五錢 乾薑 一錢

右為末乳汁調塗頤上乾時再塗

玉乳丹 治解頤

鍾乳粉 如法製 熟地黃 自法製 枅膏 柏子仁 研膏

當歸 各半兩 防風 補骨脂 各一錢

右各另為末入二膏加煉蜜丸黍米大每服一二十九煎茴

香湯送下加黃芪茯苓亦可

封頤散 方見發搐 地黃丸 方見腎臟



濟生當歸散

方見黃疸

目內症

經曰目者五臟六腑之精榮衛魂魄之所常營也神氣之所常主也又曰諸脉者皆屬於目目得血而能視五臟六腑精氣皆上注於目而為之精故白睛屬肺黑睛屬肝瞳人屬腎上下胞屬脾兩眦屬心而內眥又屬膀胱五臟五色各有所司心主赤赤甚心實熱也用導赤散赤微者心虛熱也用生犀散肝主青青甚者肝熱也用瀉青丸淡青者肝虛也用地黃丸脾主黃黃甚者脾熱也用瀉黃散淡黃者脾虛也用異功散目無睛者久白睛多黑睛少者肝腎俱不足也用地黃丸加鹿茸盡視通明夜視罔見者因稟陽氣衰弱遇夜陰盛則陽愈衰故不能視也用冲和養胃湯凡赤脉驟物從上而下者屬足太陽經用東垣

選奇湯從下而上者屬足陽明經用局方流氣飲蓋翳膜者風熱內蘊也邪氣未定謂之熱翳而浮於外邪氣已定謂之水翳而沈於內邪氣既深謂之陷翳宜升發之退翳之藥佐之若上眼皮下出黑白翳者屬太陽寒水從外至內者屬少陽風熱從下至上綠色者屬足陽明及肺腎合病也疳眼者因肝火濕熱上衝脾氣有虧不能上升清氣故生白翳睫閉不開眵淚如糊久而膿流遂至損目用益氣聰明湯茯苓瀉濕湯及四味肥兒丸目閉不開者因乳食失節或過服寒涼之藥使陽氣下陷不能升舉故目不開用柴胡服生湯若胃氣虧損眼睫無力而不能開者用補中益氣湯暴赤腫痛者肝火熾盛也用龍胆瀉肝湯多淚羞明者肝心積熱也用生犀散亦有肝腎虛熱者用地黃丸風沿爛眼者膈有積熱也用清胃散時時作痒者膿潰生



蟲也用點藥紫蘇膏眼睫連劄者肝經風熱也用柴胡清肝散  
若生下目黃壯熱大小便秘結乳食不思面赤眼閉者皆由在  
胎時感母熱毒所致兒服瀉黃散母服地黃丸若乳母膏梁積  
熱致兒目黃者令母服清胃散若肢體面目爪甲皆黃小便如  
屋塵色者難治又有痘疹後餘毒未盡上侵於目者屬腎肝虛  
也用滋陰腎氣丸前症多宜審治其母兼調其兒厥有未盡悉  
詳原機啓微集中宜參考之

治驗

一女子年十四因恚怒先月經不行寒熱脇痛後兩目生翳  
青綠色從外至內余謂寒熱脇痛足厥陰之症也翳從外眥  
起足少陽之症也左關脉弦數按之而瀦肝驚風熱兼血滯  
也遂以加味道遙散加防風龍膽草四服而寒熱脇痛頓減

用六味丸月餘而翳消

一小兒十五歲兩目白翳腹膈遍身似疥非疥脯熱口乾形  
體骨立此肝疳之症也用六味肥兒丸而痊後陰莖作痒小  
便澄白瘡疥益熾狀如大風用大蘆薈四味肥兒丸諸症漸  
愈又用大蕪荑湯而痊

一小兒白睛多吐痰發搐先用抑青丸四服而痰搐止後用  
地黃丸年許而黑睛多

一小兒白睛多三歲不能行語聲不暢兩足非熱則冷大便  
不實朝用補中益氣湯加五味子乾山藥以補脾肺夕用地  
黃丸加五味子牛膝鹿茸補肝腎不三月而瘥

一小兒眼白睛軟兩足熱面似愁容服地黃丸兩月餘漸健  
服年餘白睛漸黑出痘無恙



一小兒雀盲眼割服煮肝丸而日明服四味肥兒丸而目不割  
 一小兒目無光芒視物不了了飲食少思大便不調服大蕪  
 黃湯九味蘆薈丸而愈後飲食停滯妄用消導剋伐之劑目  
 症仍作至晚尤甚用人參補胃湯漸愈又用五味異功散四  
 味肥兒丸而痊

一小兒九歲素有肝火兩目生翳服蘆薈肥兒等丸隨愈至  
 十四歲後遇用心過度飲食不節即夜視不明用補中益氣  
 湯人參補胃湯四味肥兒丸而愈

一小兒眼胞微腫欬嗽惡心小便泔白余謂脾疳食積以五  
 味異功散為主佐以四味肥兒丸而愈後不節飲食夜視不  
 明余曰此脾胃復傷須補養為主不信乃服峻厲之劑後變  
 風症竟不起

一小兒因發熱表散出汗眼赤發搐審其母素有肝火發熱  
 以異功散加柴胡升麻子母並服消愈又用加味逍遙散其  
 熱頓退繼用補中益氣湯六味地黃九子母尋瘥

一小兒目赤作痛咬牙寒熱余謂肝經風熱用柴胡飲子一  
 劑而赤痛止又用四物參芪白朮柴胡而寒熱退又用補中  
 益氣湯而飲食加

一小兒眼素白或青患眼赤作痛服降火之劑眼如血貫脉  
 洪大或浮緩按之皆微細用十全大補湯加柴胡山梔數劑  
 外症漸退而脉漸斂又數劑而愈

一小兒停食腹痛服巴豆之藥更加目赤作痛寒熱往來飲  
 食少思手足並冷余用六君升麻炮薑諸症頓愈惟寒熱未  
 已用四君柴胡升麻而安



一小兒眼赤痛服大黃之藥更加寒熱如瘧余謂脾胃復傷用四君升麻柴胡炮薑鈞藤鈞而寒熱愈又用補中益氣湯間服而目疾痊

一小兒因乳母恚怒患發熱等症兒患目痛兼作嘔吐先用小柴胡湯子母俱服頓安但兒瞽熱仍嘔以異功散加升麻柴胡治之瘥

一小兒生下目黃三日而赤黃一小兒旬日內目黃而漸至遍身此二者胎稟胃熱各用瀉黃散一服皆愈

一小兒旬日面目青黃此胃熱胎黃也用瀉黃散以乳調服少許卽愈後復身黃吐舌仍用前散而安

一小兒患目黃知其乳母食鬱身黃所致以越鞠丸治母瀉黃散治子並愈

一小兒面青寒熱形氣瘦弱眼目生翳用九味蘆薈丸  
異功散目翳漸退乃以四味肥兒丸五味異功散而肌肉生

一小兒眼每生翳皆因乳母恚怒而作用九味蘆薈丸柴胡梔子散母子服之並愈

一小兒乳哺失節服藥過劑腹脹少食大便不調兩眼生花服治眼之藥漸生浮翳余用異功散加當歸柴胡飲食漸進便利漸調少佐以九味蘆薈丸其眼漸明乃用人參補胃湯肥兒丸而痊

一小兒未週歲目內有翳余謂此稟母肝火所致詢其母果素多恚怒見患瘰癧目疾自乳其子余用地黃丸治之其母稍愈後彼無此藥其子遂瞽

一小兒十二歲傷寒咳嗽發熱服發散之藥目漸不明服降



火等藥飲食日少目漸生翳余謂中氣虛用人參補胃湯飲  
食漸進又用千金補肝丸及薰眼之法而痊

一女子十二歲目生白翳面黃浮腫口乾便泄用四味肥兒  
丸而痊

一小兒目羞明癢澀兩足發熱大便不實食少時咳仍欲治  
肝祛風余曰兩足發熱小便不調腎肝虛也大便不實食少  
時咳脾肺虛也朝用補中益氣湯夕用六味地黃丸元氣漸  
復乃佐以四味肥兒丸又月餘而痊

一小兒目痛恪服瀉火治肝之藥反加羞明癢澀睡中驚悸  
悲啼此肝經血虛火動傷肺也用五味異功散加山梔補脾  
肺清肺金用地黃丸滋腎水生肝血而安乃兼服四味肥兒  
丸而痊

一小兒目青發搐直視叫哭或用牛黃清心丸加咬牙  
小便自遺余謂肝經血氣虛甚也用補中益氣湯及六味地  
黃丸而痊

一小兒發搐目劄屬肝膽經風熱先用柴胡清肝散治其肝  
後用地黃丸補其腎而愈

一小兒目痛兼痒因膏梁積熱仍口渴飲冷便秘先用瀉青  
丸疎導肝火更用清胃散煎熟磨生犀角服之以解食毒又  
用四味肥兒丸以治肝症而痊

一小兒目疾久不愈用大蕪荑湯五劑蟾蜍丸數服又用四  
味肥兒丸而愈

一小兒十四歲用功勞苦半載後自汗盜汗形體殊倦朝用  
補中益氣湯加五味子蔓荊子夕用十全大補湯尋愈婢姻



後因唾痰頭暈恪服清痰理氣之藥忽目不能開余用地黃丸十全大補湯三月餘而痊

吳江史萬湖之孫自乳兒時患目疾年二十目劄頭搖用金櫃腎氣丸愈而復作兩目生翳用聰明益氣湯并前丸既愈而復發形體消瘦脉數洪大用補中益氣湯及前丸而痊  
一小兒因驚眼劄或搐先用加味小柴胡湯加蕪荑黃以清肝熱又用地黃丸以滋腎生肝而痊

一小兒兩目連劄或色赤或時拭眉此肝經風熱發作肝疳也用地黃丸加龍膽草而痊

一小兒白睛多吐痰發搐用地黃丸為主佐以柳青丸而搐止後用世傳方地黃丸而黑睛多

一女子十四歲兩目作痛或發痒或頭暈或頭痛或兩脇作

痛或寒熱內熱口渴少食經候不調此肝脾二經氣血虛而有熱也用補中益氣湯柴胡清肝散而愈後左眉上結一核如豈許漸大如栗腐而作痛此肝經火燥而血病也用加味逍遙散月餘腐肉自脫乃用八珍湯及前藥而愈

一小兒十三歲目久痛漸生青綠翳後赤爛左關脉弦數用九味蘆薈丸加味逍遙散而愈婢姻後復發用滋陰腎氣丸主佐以加味逍遙散而痊

一小兒十五歲因大勞目赤作痛發熱作渴脉洪大而虛用八珍湯加炒黑山梔一劑諸症頓退又用補中益氣湯而痊後因夢遺目仍赤痛用六味地黃丸料加五味子二劑而痛止又三十餘劑而復明

生犀散 治心經虛熱



薛氏醫按 傷寒掛要卷之四

生犀 取末二錢 地骨皮 赤芍藥 柴胡 乾葛 各二兩 甘草 一兩

右每服二錢水煎

生熟地黃散 治眼初患之時因悞築到蹙肝受驚風致目散

赤痛痒

生地黃 洗 熟地黃 各一兩 麥門冬 五錢 當歸 甘草 炙

枳殼 米泔水浸炒 防風 杏仁 湯炮去皮尖用麩炒赤色 赤芍藥 各二錢五分

右每服一錢黑豆七粒水煎

犀角飲 治脾火眼疼

犀角 一兩 射干 草龍膽 炒 黃芩 炒各五錢 人參 二兩

茯苓 二錢五分 釣藤鈎 七錢五分 甘草 三錢

右每服一錢水煎

牛黃丸 治肝受驚逐致患目

牛黃 白附子 肉桂 全蝎 芎藭 石膏 各三錢五分

白芷 藿香 各五錢 辰砂 麝香 各少許

右各另為末煉蜜丸桐子大每服三丸臨臥薄荷湯化下乳

母亦忌熱物之類

世傳方地黃丸 治腎虛目睛多白

鹿茸 五錢 澤瀉 茯苓 山茱萸

熟地黃 牡丹皮 牛膝 各一兩

右為末蜜丸桐子大每服二十九丸鹽湯下

羅氏煮肝丸 治疳眼翳膜羞明大人雀目甚効

夜明砂 青蛤粉 穀精草 各一兩

右為末每服二錢以猪肝批開攤藥在內麻纏定米泔水半

碗煮肝熟取出湯傾碗內薰眼候湯溫分肝三服嚼喫就用

薛氏醫按 傷寒掛要卷之四



肝湯下一日二服

龍膽飲子 治疳眼流膿生翳此濕熱病

青蛤粉 五分 羌活 草龍膽 各三錢 炒黃芩 二錢

蛇蛻 五分 麻黃 二錢 穀精草 五分

右為末每服二錢茶清調下

東垣人參補胃湯 治勞役飲食不節內瘴眼痛神効

黃芪根 人參 各一兩 炙甘草 八錢

蔓荆子 一錢 白芍藥 炒 黃柏 各三錢酒拌炒四次

右每服二三錢水煎稍熱服臨臥三五服

千金方 治雀盲

地膚子 五兩 決明子 一升

右為末以米飲和丸每服二三十丸

世傳方 治雀盲

蒼朮 四兩米泔浸切片四兩焙

右為末豬肝二兩批開摻藥在內用麻繫定粟米一合水一

碗砂鍋內煮熟薰眼候溫臨臥每服三錢大効

聖惠方治雀盲不計時片用蒼朮一兩為末每服一錢

本事方 治小兒赤熱腫眼

大黃 白礬 各等分

右為末冷水調作餅子貼眼立効

東垣廣大重明湯 治兩臉或兩眦赤爛熱腫疼痛及眼胞痒

極抓之至破爛赤腫眼楞生瘡痂目多眵淚癢澀難開

草龍膽 防風 生甘草根 細辛苗葉 各一錢

右水一碗半煎龍膽至七分入餘藥再煎至半碗熱洗日五

龍膽飲子 治疳眼流膿生翳此濕熱病



七次洗畢合眼須臾瘥

東垣助陽和血補氣湯 治發後熱壅白睛紅多眵淚癢澀此

過服涼藥而真氣不能通九竅也

防風 七分 黃芪 一錢 蔓荊子 二分 白芷 二分

升麻 七分 甘草 各 柴胡 當歸身 酒洗各

右

潔古方 治眼赤暴發腫

防風 羌活 黃芩 炒 黃蓮 炒各

右每服一錢水煎服如大便秘加大黃二分痛甚加川歸地

黃各二分煩躁不得臥加梔子仁三分

保命點眼藥除昏退翳截赤定痛

當歸 黃連 各二分 防風 二分 細辛 五分 甘草 一錢

右水一大碗文武火熬滴水巾不散為度入熟物少許點用

千金補肝散 治目失明

青羊肝 一具去膜薄切 決明子 藜香 一合熬

右為末每服方寸七日二服久而有驗

本事方 治太陽寒水陷翳膜遮睛

防風 白蒺藜 各一兩 羌活 半兩 甘菊 三兩

右為末每服二錢入鹽少許百沸湯點服

保命羚羊角散 治冰翳久不去

羚羊角 升麻 細辛 各等分 甘草 減半

右為末一半蜜丸桐子大每服五七十丸一半泔水煎吞送

九子燉發陷翳亦羚羊角散之類用之在人消息若陰虛有

熱者兼服神仙退雲丸



東垣補陽湯 治陽不勝其陰乃陰盛陽虛則九竅不通令青  
 白翳見於大眥乃足太陽少陰經中鬱遏厥陰肝經之陽氣  
 不得上通於目故青翳內阻也當於大陽少陰經中是九泉  
 之下以益肝中陽氣衝天上行此乃先補其陽後於足太陽  
 標中瀉足厥陰之火下伏於陽中內經曰陰盛陽虛則當先  
 補其陽後瀉其陰每日空心服升陽湯臨臥服瀉陰丸須預  
 期調養體氣和平天氣晴明服之補其陽使上升通於肝經  
 之末利空竅於日矣

- 羌活 獨活 當歸身酒洗焙乾 甘草稍 熟地黃 人參
- 黃芪 白朮各一兩 澤瀉 橘紅各半兩 生地黃炒
- 白茯苓 知母炒黃色各三錢 柴胡二兩 防風 白芍藥各五錢
- 肉桂一錢

右每服五錢水煎空心服候藥力行盡方可飲食

東垣羌活退翳湯

- 柴胡 甘草 黃芪各三錢 羌活 黃連 五味子
- 升麻 當歸身各一錢 防風一錢 黃芩 黃柏酒浸
- 芍藥 草龍膽酒洗各五錢 石膏二錢五分

右分二服水煎入酒少許臨臥熱服忌言語

謙甫五秀重明丸 治眼翳膜遮睛隱澀昏花常服清利頭目

- 甘菊花五百筒 荆芥穗五百 木賊去節五百根 楮實五百枚

右為末蜜丸桐子大每服五十丸白湯化下

沖和養胃湯 治內障初起視覺微昏空中有黑花神水變淡  
 綠色次則視岐覩則成二神水變淡白色久則不覩神水變

純白



柴胡錢七 人參 當歸 炙甘草 乾生薑 升麻

葛根 白朮 羌活各一兩 防風五錢 黃耆一兩五錢

白茯苓三錢 白芍藥六錢 五味子二錢

右每服二錢六煎

滋腎氣丸 治神水寬大漸散昏如霧露中行漸視空中有

黑花視物二體久則光不收及內障神水淡白色者

熟地黃三兩 當歸尾 牡丹皮 五味子 乾山藥

柴胡各五錢 茯苓 澤瀉各二錢半 生地黃酒炒四兩

右為末蜜丸桐子大辰砂為衣每服十九空心滾湯化下

熱黃連湯 治內障有眵淚眵燥

黃芩 黃連 生地黃並酒

柴胡各一兩 升麻五錢 龍膽草二錢

右每服一錢水煎午前服

柴胡復生湯 治紅赤羞明淚多眵少腦頂沈重睛珠痛應友

陽眼睫無力常欲垂閉久視則酸疼翳陷下者

藁本 蔓荊子 川芎 羌活 獨活 白芷各二錢半

白芍藥炒 炙甘草 薄荷 桔梗各四分 蒼朮

茯苓 黃芩炒各五分 柴胡六分 五味子十二粒

右每服二錢水煎食後服

黃連羊肝丸 治目中赤脉洪甚眵

黃連為末 白羯羊肝一具

先以羊肝竹刀刮下如糊除去筋膜再搗細入黃連丸桐子

大每服十九茶清化下

茯苓燥濕湯 治小兒易饑而渴腹脹生瘡目痛生翳不開眵

茯苓 柴胡 升麻 黃連 羌活 獨活 白芷 蒼朮 薄荷 桔梗 五味子 甘草



淚如膿俗謂疳毒眼

白朮 人參 甘草炒 枳殼炒 茯苓 蔓荊子

薄荷各二分 蒼朮 前胡 獨活各三分 川芎 羌活各三分

柴胡四分 澤瀉一分半

右每服二錢水煎

局方菊睛丸 治脾腎不足眼花昏暗

枸杞子 菴蓉酒浸 巴戟去心各 甘菊花四兩

右為末蜜丸桐子大每服十丸空心白湯化下

抑青丸 方見驚啼 加味逍遙散 方見內釣

大蕪荑湯 方見疳症 九味蘆薈丸 方見諸症

異功散 方見內釣 小柴胡湯 方見瘧症

柴胡梔子散 方見發熱 蟾蜍丸 方見諸疳

耳症八

耳者心腎之竅肝膽之經也心腎主內症精血不足肝膽主外症風熱有餘或聾聵或虛鳴者稟賦虛也或脹痛或膿瘡者邪氣客也稟賦不足宜用六味地黃丸肝經風熱宜用柴胡清肝散若因血燥用梔子清肝散未應佐以六味丸間服九味蘆薈丸若因腎肝疳熱朝用六味丸夕用蘆薈丸若因食積內熱用四味肥兒丸若因乳母膏粱積熱而致者宜加味清胃散脾經鬱結而致者加味歸脾湯肝經怒火而致者加味逍遙散皆令乳母服之兼與其兒少許不可專於治外不惟閉寒耳竅抑亦變生他症延留日久遂成終身之聾矣慎之

治驗

一小兒耳內出膿穢不可近連年不愈口渴足熱或面色微

李天醫安

保嬰最要卷之四

七



黑余謂腎疴症也用六味地黄丸令母服加味逍遙散而愈  
後因別服伐肝之藥耳症復作寒熱面青小便頻數此肝火  
血燥也用柴胡梔子散以清肝六味地黄丸以滋腎遂痊  
一小兒耳內出膿久不愈視其母兩臉青黃屬乳母鬱怒致  
之也遂朝用加味歸脾湯夕用加味道遙散母子皆愈  
一小兒十二歲素虛羸耳出膿水或痛或痒至十四稍加用  
心即發熱倦怠兩腿乏力八年矣用補中益氣湯及六味地  
黃丸稍愈畢姻後朝寒暮熱形氣倦怠兩足心熱氣喘唾痰  
仍用前二藥佐以六君子湯而愈因後不守禁忌惡寒發熱  
頭運唾痰余謂腎虛不能攝水而似痰清氣不能上升而頭  
運陽氣不能護守肌膚而寒熱遂用補中益氣湯加蔓荊附  
子一錢四劑不應遂用人參一兩附子一錢二劑而應乃用

十全大補湯百餘劑而痊又因大勞入房喉痞痰湧兩腿不  
遂用地黃飲子頓愈仍用十全大補湯而安後又起居失宜  
朝寒暮熱四肢逆冷氣短痰盛兩寸脉短用十全大補湯加  
附子一錢數劑而愈乃去附子用人參三錢常服始安  
一小兒耳中流膿項中結核眼目或劄或赤痛小便或痒或  
赤澀皆肝膽經風熱之症也用四味肥兒丸悉愈  
一小兒因乳母恚怒兼經行之後多食炙煖兒遂耳內作痛  
出膿余先用加味小柴胡湯次用加味道遙散令其母服之  
子母並愈

一小兒耳出穢水屬肝腎不足先用九味蘆薈丸而痊畢姻  
後面黃發熱多病又用黃柏知母等藥更胸膈痞滿飲食少  
思痰涎上壅又利氣化痰知噫氣下氣余用六君子補中益



氣二湯乾薑木香等味治之尋愈

川氏紅玉散 治小兒聾耳

枯礬

麝香

乾胭脂各等分

右為末研勻先以綿杖子燃膿淨入少許

湯氏龍黃散 治如前

枯礬

龍骨

黃丹各半兩

麝香一錢

右製法同前

愚按前二方可以治腑症之輕者若係肝經風熱血燥等症必依前方論內服合宜之藥外用此以收膿濕亦無不可若專泥外攻而失內治謬矣

六味地黃丸

方見腎臟

柴胡清肝散

梔子清肝散

方見熱症

九味蘆薈丸

四味肥兒丸

方見嘔吐

加味清胃散

加味歸脾湯

加味逍遙散方見內鈞

加味梔子散

加味小柴胡湯

六君子湯

四君子湯二方見內鈞

地黃丸

方見腎臟

七味白朮散

方見頑帶

補中益氣湯

方見虛羸

二陳湯

方見寒吐

鼻塞鼻衄丸

巢氏云鼻乃肺之竅皮手腠理乃肺之主此因風邪客於肺而鼻塞不利者宜用消風散或用葱白七莖入油膩粉少許搗攤絹帛上掌中護溫貼額門因驚仆氣散血無所羈而鼻衄者用異功散加柴胡山梔左臉青而兼赤者先用柴胡清肝散後用地黃丸右臉赤乃肺大腸實熱也用瀉白散鼻色赤乃脾胃實

幸氏醫案

果嬰最要卷之四

三五

三五〇六



熱也用瀉黃散微赤乃脾經虛熱也用異功散加升麻柴胡色深黃用濟生犀角地黃湯後用楊氏地黃丸淡白色用六君子湯頰間色赤用四物湯加山梔赤甚用五淋散小便赤色用六味丸補中益氣湯唇色白用六君子湯久不愈用麥門冬飲子若初病元氣未虧乳食如常發熱壯熱二便秘結作渴飲水臥不露睛者悉屬形病俱實當治邪氣若病久元氣以虧食少發熱口乾飲湯嘔吐泄瀉肢體畏寒臥而露睛者悉屬形病俱虛當補正氣爲要

治驗

一小兒咳嗽惡心鼻塞流涕右腮青白此乃脾肺氣虛而外邪所乘也先用惺惺散咳嗽頓愈但飲食不思手足指冷用六君子少加升麻一劑而痊

一小兒潮熱鼻衄煩渴便秘氣促咳嗽右腮色赤此肺與大腸有熱也用柴胡飲子一服諸症頓退後因驚復作微搐頓悶此肝脾氣血虛也用四君子加芎歸鈎藤鈎而愈

一小兒遍身生疥空鼻出血因肝脾有熱用四味肥兒丸而愈後食多燻鼻血復出瘡疥復發先用清胃散二劑又用四味肥兒丸九月餘而痊

一小兒鼻衄滯頤作渴時汗乃胃經實熱也先用瀉黃散二服而滯頤止又用四味肥兒丸數服而鼻血愈後鼻不時作痒發渴便血用聖濟犀角地黃湯四劑母子並服別令兒更服四味肥兒丸九月餘而愈

一小兒鼻衄發熱作渴右頤色青余謂肝火乘脾先用加味逍遙散子母並服熱渴漸止另用五味異功散少加柴胡升



麻與子服之而愈

一小兒鼻衄服止血之劑反見便血右腮色黃或赤此脾氣虛熱不能統血也用補中益氣湯又用五味異功散加柴胡升麻而愈

一小兒鼻衄久不愈四肢倦怠飲食少思惡風寒此脾肺虛也先用五味異功散而鼻血止又用補中益氣湯而不畏風寒繼用四君少加柴胡升麻而全愈

一小兒鼻衄兩頰赤余謂稟賦腎氣不足虛火上炎也不信別服清熱涼血之藥病益甚余用地黃丸果効畢嗣後屢症悉至用八珍湯地黃丸料尋愈

一小兒鼻衄作渴喘嗽面赤此心火刑肺金也用人參平肺散及地黃丸料加五味子麥門冬煎服而痊

楊氏地黃散 治榮中有熱肺壅鼻衄

生地黃 赤芍藥 當歸身 川芎各等分

右每服二三錢水煎熟入蒲黃少許春夏衄入地黃汁蒲黃各少許秋冬衄用車前草汁少許

麥門冬飲子 治吐血久不愈者

五味子十粒 麥門冬去心 黃芪各一錢

當歸身 人參 生地黃各五分

右水煎服

補中益氣湯 方見虛羸 清胃散

異功散 二方見內鈞卽 人參平肺散 方見咳嗽

柴胡清肝散 方見熱症 瀉白散 方見肺臟

瀉黃散 方見脾臟 犀角地黃湯 自聖濟犀角地黃湯方見便血臟血

薛氏醫案 保嬰撮要卷之四



五淋散 方見五淋

四君子湯 方見內鈞

八珍湯 四君見天鈞四物見急驚

四物湯 方見急驚

惺惺散

柴胡飲子 二方見熱症

四味肥兒丸 方見嘔吐

加味道遙散 方見內鈞

六味地黃丸 方見腎臟

龜胸龜背

仲陽曰龜胸者肺熱脹滿攻於胸膈或乳母多食五辛及兒食宿乳而成當用龜胸丸或松蓋丹百合丹之類治之龜背者令兒早坐因客風吹脊入於骨髓所致以龜尿點背間骨節取龜法當置龜於荷葉上候龜眼又法當灸肺俞穴在第三椎骨下四癭急用鏡照之其尿自出兩傍各開一寸分心俞穴在第五椎骨下兩傍各開一寸五分膈俞穴在第七椎骨下兩傍各開一寸五分用艾如小荳大灸二五壯此多因小兒元氣未充腠理不密風邪所乘

或痰飲蘊結風熱交攻而致法當調補脾肺為主而以清熱消痰佐之若因乳母膏粱厚味者當以清胃散治其母子亦服許

龜胸丸

大黃 一錢

天門冬 焙去心

百合

杏仁 麩炒

木通

枳殼 麩炒

桑白皮 蜜炒

甜葶藶 炒

朴硝 各半兩

右為末煉蜜丸茨實大每服一丸溫水食後化下

枳殼防風丸

枳殼 麩炒

防風

獨活

大黃 煨

前胡

當歸 酒洗

麻黃 去節各一錢

右為末麩糊丸黍米大每服十九食後米湯下

松蓋丹 治龜背

花松

枳殼

防風

獨活 各一兩



本草綱目卷之四

大黃 前胡 桂心 各半

右為末蜜丸黍米大每服數丸粥飲下量兒加減 新婦

百合丸 治龜胸背

百合 一兩 木通 朴硝 桑白皮 蜜炙

杏仁 去皮尖炒 雙仁不用 大黃 煨 天門冬 各半

右為末煉蜜丸菜荳大每服十九食前溫酒化下

4

小  
一  
二



